

یوحنا سیومین نامہ

۱

۱ ریش سفید جا،
به عزیزگایوس کی من اون 'حیثقت' دُرون دوست درم.

۲ آی عزیز، می دُعا آنه کی همه چی شیمه ره حُب پیش بشه و سلامت ببید و هطوئم تی جان سلامتی دُرون بهه. ۳ چون خیلی ذوق بُکودم، ا موقع کی براران باموئید و گوائی بدئید کی 'حیثقت' دُرون زیندکی کونی و راس راسیم کی حیثقت دُرون زیندکی کودن دری. ۴ هیچی مرا ویشتر جه آن به ذوق ناواره کی بیشتاوم می زاکان 'حیثقت' دُرون زیندکی کونیدی.

۵ ای عزیز، تو تمان تی کاران دُرون، براران ره تی امانت دَری نیشان دیئی، بخصوص اوشان ره کی تی ورجا غریبه اید. ۶ آشانم کلیسا دُرون تی محبت ره گوائی بدئید؛ پس حُب کار کونی آگه آشان اوجور کی در شأن خُدا بهه، سفر ره راهی بُکونی. ۷ چونکی آشان او نام واسی سفر بُکوده اید و غیر یهودیان جا هی کمکی فینگیفتید. ۸ پس آمان بایستی آجور آدمان مانستَن کمک بُکونیم تا بتانیم اوشانِ امرا حیثقت واسی همکار ببیم.

۹ من ایچی کلیسا ره بینویستم، ولی دیوثر فیس کی دوست دره خورَه اول بنه، آمی اقتدار اهمیت ندیه. ۱۰ پس آگه من بایم، کارانی کی اون کونه وارسی خوائم کودن، چره کی غرضِ امره آمی ضد گب زنه و به آنم قانع نیبه، آمی برارنم قُبیل نُکونه؛ و برارانیم کی خوائیدی آشان قُبیل بُکونید جُلوی گیره و کلیسا جا بیرون توده.

۱۱ ای عزیز، بدی تی سر مشق نُکون، بلکی حُبی جا سرمشق بیگیر؛ اونکی حُب کار کونه خُدا جا ایسه، اونکی بد کار کونه خُدای بیده ناره. ۱۲ همتان، دیمیتریوس باره حُب گوائی دئییدی، حتی خودِ حیثقت. امانم هطو گوائی دئیم و دانی کی آمی گوائی راست ایسه.

آخر بسر

^{۱۳} خیلی چیان دشتیم کی تره بینویسم، ولی نخواستیم کی قلم و مرکب آمره ببه.
^{۱۴} امید دَرَم خیلی زو، تره بیدینم و رو دَر رو گب بزنینم.
^{۱۵} سلامت بی!

رفقان تره سلام فارسانیدی. تک به تک رفقان به نام سلام فارسان.

